

RRUGA E PARTISË

ORGAN
TEORIK DHE POLITIK
I KOMITETIT QËNDROR
TË PARTISË SË PUNËS
TË SHQIPËRISË

登

Adresa:
«RRUGA E PARTISË»
pranë KQ të PPSH - Tiranë

Pajtimet:
për 6 muaj 15 lekë, 1 vit 30 lekë
jashtë shtetit:
për 6 muaj 18 lekë, 1 vit 36 lekë

Janar 1982
Viti XXIX i botimit

9537851

Përmbajtja:

ENVER HOXHA — Përvoja juaj, si dhe ajo e kooperativave të tjera të përparuara, do të shërbejë si nxitje për të realizuar me sukses detyrat e mëdha për zhvillimin dhe intensifikimin e pandërprerë të bujqësisë e të blegtorisë së vendit tonë (Letra drejtuar kooperativës së tipit të lartë të Dajçit në rrethin e Shkodrës)	5
PROBLEME TË KONGRESIT TË 8-TË TË PARTISË SË PUNËS TË SHQIPËRISË	
KRYEARTIKULLI — Ta ngremë më lart mobilizimin për të realizuar detyrat e planit të vitit 1982	8
RITA MARKO — Me ndjenjë të lartë përgjegjësie, të mobilizojmë tërë energjitë për realizimin e detyrave	17
P. DODE — Zgjerimi dhe përsosja e lidhjeve kooperuese — kërkesë e domosdoshme e stadi të arritur në zhvillimin e forcave prodhuese	29
N. SIMAKU — Rritja e shpejtë e të ardhurave kombëtare dhe përdorimi me efektivitet i tyre — një nga detyrat kryesore të pesëvjeçarit	39
P. KACORI — LL. PASHKO — Studimi e përvetësimi i thellë i literaturës marksiste-leniniste kërkon dhe një informacion të gjerë shkencor	49
BIBLIOGRAFI	
A. POPA — Komplete dhe dështime (Rreth librit të shokut Enver Hoxha «Rreziku anglo-amerikan për Shqipërinë», Kujtime)	57
PËRVOJË NGA PUNA E PARTISË	
DH. MAÇUKA — Për një efektivitet më të madh në punën e byrove të organizatave-bazë të Partisë	71
<hr/>	
S. OSUMI — Si po shkon Jugosllavia titiste në Kongresin e 12-të të LKJ	71

**PËRVOJA JUAJ, SI DHE AJO E KOOPERATIVAVE
TË TJERA TË PËRPARUARA, DO TË SHËRBEJË
SI NXITJE PËR TË REALIZUAR ME SUKSES
DETYRAT E MËDHA PËR ZHVILLIMIN DHE
INTENSIFIKIMIN E PANDËRPRERË TË BUJQËSISË
E TË BLEGTORISË SË VENDIT TONË**

KOOPERATIVËS SË TIPIT TË LARTË

Dajç - Shkodër

Të dashur shokë e shoqe kooperativistë e kooperativiste, specialistë e kuadro drejtues të kooperativës së tipit të lartë të Dajçit,

Mora letrën me të cilën më bëtë të ditur për rezultatet e mira që keni arritur në realizimin e tejkalimin e treguesve të prodhimeve bujqësore e blegtorale e në ato financiare, si dhe për arritjet e tjera të rëndësishme tuajat në fushën e mirëqënies materiale e kulturore për vitin 1981, viti i parë i pesëvjeçarit të shtatë. Këto arritje janë rezultat i këmbënguljes e ndërgjegjes së lartë socialiste, i punës së frytshme politike dhe udhëheqjes së drejtë e të vazhdueshme të organizatës së Partisë, i organizimit të punës, i zbatimit të agroteknikës etj.

Në këto drejtime ju jeni bërë nga shembujt më të mirë jo vetëm për kooperativat e rrethit të Shkodrës, por edhe të mbarë vendit tonë. Prandaj, në emër të Komitetit Qendror të Partisë, ju përgëzoj për të gjitha arritjet dhe për punën që vazhdoni të bëni për zhvillimin e pandërprerë ekonomik e kulturor të kooperativës suaj.

Të dashur shokë e shoqe kooperativistë,

Ju tashmë keni grumbulluar një përvojë të mirë në trajtimin e tokës e zbatimin në praktikë të arritjeve të shkencës bujqësore, po njëhni gjithnjë e më mirë sekretet e prodhimit bujqësor e blegtoral për të siguruar rendimente të larta e prodhime të bollshme. Por ato nuk janë kulmi i arritjeve. Ashtu siç më shkruani në letër, rendimentet që keni marrë janë vetëm fillimi dhe një mbështetje e fuqishme për arritje akoma më të larta në të ardhmen. Prandaj përpara jush dhe gjithë kooperativistëve të vendit dalin detyra të mëdha në këtë drejtim.

Krahas përpjekjeve për zotërimin e njohurive shkencore agroteknike e zooveterinere dhe zbatimit të tyre me pasion e këmbëngulje nga gjithë punonjësit e bujqësisë, rëndësi vendimtare për realizimin e për kapërcimin e objektivave që përcaktoi Kongresi i 8-të i Partisë kanë drejtimi e organizimi shkencor i punëve dhe ndjekja sistematike e realizimit në kohë të çdo detyre. Ju keni dhënë një shembull të mirë dhe unë shpreh bindjen se përvoja juaj, si dhe ajo e kooperativave të tjera të përparuara, do të shërbejë si nxitje për të realizuar me sukses detyrat që ka përpara bujqësia jonë socialiste.

Tani ekonomia juaj, ashtu si gjithë bujqësia e vendit, ndodhet në pragun e një aksioni shumë të madh, siç është fushata e mbjelljeve të pranverës dhe kryerja e shërbimeve bimëve të arave dhe frutikuturës. Përfundimi me sukses i kësaj fushate përbën një domosdoshmëri për kurorëzimin me sukses edhe të fushatave të tjera që vijnë njëra pas tjetrës, siç është ajo e korrje-shirjes dhe e grumbullimit etj. Për këtë qëllim nga të gjithë duhet shfrytëzuar përvoja e mirë që keni grumbulluar ju dhe ekonomi të tjera të përparuara, duke marrë masa për një organizim sa më të përsosur të punëve, për t'i dalë përpara me kohë kryerjes së çdo detyre. Për fushata të tilla, si mbjelljet e pranverës rëndësi vendimtare ka veprimtaria e çdo njësie prodhimi e sidomos e shtabeve drejtuese që, ashtu siç veprojnë në kohë lufte shtabet ushtarake, është e domosdoshme të bashkërendojnë, të organizojnë dhe të kontrollojnë me kujdes çdo gjë, që nga përgatitja e mirë e tokës, zgjedhja e sigurimi i farës me cilësi të lartë, grumbullimi e shpërndarja e plehut, hapja dhe pastrimi i kanaleve kulluese e ujitëse, mbajtja e gatishmëri e mjeteve dhe e mekanikës bujqësore, si dhe gjithë bazë materialo-teknike të domosdoshme etj. Organizimi i mirë i punës, kryerja e detyrave nga secili e me përgjegjësi të plotë, vendosja e kontrollit të nevojshëm dhe forcimi i punës edukative të Partisë me kooperativistët e thjeshtë, me specialistët e kuadrot drejtues, një përgatitje drejtim i tillë i përsosur, bën të mundshëm përfundimin me sukses të çdo pune, me cilësi e në afatet e parashikuara.

Bujqësia jonë socialiste e fuqishme nuk mund të ecë përpara pa një organizim të shëndoshë e drejtim shkencor në nivelin e kërkesave të kohës, ashtu sikundër nuk mund të ecë pa u udhëhequr nga shkencë e përparuar agroteknike. Kjo duhet kuptuar mirë nga të gjithë, pa përjashtim, në mënyrë të veçantë nga drejtuesit e prodhimit bujqësor blegtoral, nga brigadierët, agronomët, zooteknikët, veterinerët, ekonomistët, institucionet kërkimore e shkencore etj.

Të dashur shokë e shoqe,

Kongresi i 8-të i Partisë ka caktuar detyra të rëndësishme e të mëdha në fushën e zhvillimit e të intensifikimit të pandërprerë të bujqësisë e blegtorisë së vendit tonë, plotësimi i të cilave do të çojë në fuqizimin e mëtejshëm të ekonomisë sonë socialiste, në rritjen e mirëqënies së mbarëpunonjësve dhe në forcimin gjithnjë e më shumë të mbrojtjes së Atdheut.

Le të bëhet viti 1982 viti i mobilizimit të përgjithshëm për të realizuar e tejkaluar detyrat e mëdha të caktuara nga Kongresi i 8-të i fushën e zhvillimit e të përparimit në sektorin e bujqësisë dhe në

gjithë sektorët e tjerë. Partia është e bindur se fshatarësia jonë patriotike, gjithë punonjësit e bujqësisë, kuadrot e specialistët, nën udhëheqjen e organizatave të Partisë e me komunistët në ballë dhe duke punuar sipas përvojës së përparuar të individëve, brigadave, sektorëve dhe kooperativave e ndërmarrjeve pararojë, do të vënë në jetë detyrat e këtij viti dhe ato në perspektivë.

Edhe një herë ju përgëzoj për sukseset tuaja dhe ju uroj arritje akoma më të mëdha në interes të fuqizimit të ekonomisë suaj të përbashkët, të ekonomisë së rrethit dhe në atë të të gjithë Atdheut.

SEKRETARI I PARË I KOMITETIT
QENDROR TË PARTISË SË
PUNËS TË SHQIPËRISË
ENVER HOXHA

Tiranë, më 27.1.1982.